

Дуныз 5 копейка | Редакциялэн адресез: Шаркан село, Советской ульча, 57, РДК-лэн 2-ти этажес. | 10-ти арзз потэ

Сталин эшлэн вазиськемезлы

Великой Октябрьской социалистической революцилэн XXIV ар тырмонэз сярэсь верам исторической докладаз Сталин эш пусйиз асьмелэн вормонмылы сюрес'ес, вань советской калыкез со отиз котькыче юрттэт сётыны Красной Армии но Красной Флотлы. Быдэс советской страна луыны кулэ единой боевой лагерь. Сталин эш отёнэн вазиськиз колхозной гуртлы: „чтобы асьмелэн колхозник'ёсы, пиосмурт'ес но нылкышноос, бусыосазы дугдылытэк мед ужалозы но фронтмылы но странамылы мед сётылозы ялан трос но трос нянь, силь, промышленностьмылы сырьё“.

Яратоно вождьмылэн кыл'ёсы мур пычазы колхозник'ёслэн но колхозницаослэн сюлмазы. Со кыл'ёс соослэсь мылкыдзэс жуто выль трудовой подвиг'ёсы.

Районыстымы уноез колхоз'ёс мылысь-кыдысь ужаменызы туэ арын будэтйзы зеч ю-нянь, йылтйзы пудооссэс. Дыраз быдэстйзы государственной сельскохозяйственной продукт'ёсты сётонзэс. Великой Октябрьлэн 24 ар тырмон нуналояз „Идеал“ колхозысь колхозник'ёс государственности вань тырон'ёссэс быдэстйзы. Та нунал'ёсы данакез колхоз'ёс государственности ю-тысь но сельскохозяйственной продуктасты сётон'я обязательствооссэс быдэс'язы. Соин чош ик азьмынйсь колхоз'ёс странамылэсь обороназэ юматыны понна сельскохозяйственной продуктаосын вылэсь обоз'ёс кылдыт'яло.

Та берло нунал'ёсы гинэ „Горд партизан“ колхоз Воткинской военной госпитале, раненой боец'ёслы сётйз 200 кг. чабей пызь, 50 кг. сйль, 20 кг. чечы, 20 кг. сугон но мукет продуктаос. Озы ик уно продуктаос сётйзы „Новый труд“, Кагановичлэн нимыныз нимам, „Сеятель“, „Путь Ильича“ но мукет колхоз'ёс. Та колхоз'ёслэсь инициативазэс вань колхозник'ёслы кутано. Вождьмылэн отемезлы вазиськыса, котькуд колхоз, калхозник но колхозница малпасыконо: «Ваньзэ-а асьмеос лэсьтймы фронтлы юрттон понна?»

Та грозной военной вакытэ, ку страна вань кужымзэ огазая тушмонэз пазьгон понна, немецкой оккупант'ёсты одно ик быдтон понна, одйг район но, колхоз но государство азын аслэсьтыз обязательствооссэ дыраз быдэстймтэз медаз луы.

Советской Информбюролэсь

17 ноябре жыт ивортон

17 ноябре асьмелэн войскоосмы противниклы пумит жугиськызы вань фронт'ёсын. Уката но лекесь жугиськон'ёс ортчизы Калининской но одйг участказ Юго-Западной фронтлэн.

16 ноябре 21 немецкой самолет быдтэмын. Асьмелэн 6 самолет ышемын.

16 ноябре Москва дорын 3 самолет өвёл быдтэмын, кызы азыло ивортэмын вал, а 11 немецкой самолет.

16 ноябре асьмелэн авиациенымы быдтэмын 60 немецкой танк, военной грузэн но пехотаен валче 250 палозь автомашина, 150-лэсь трос повозка, 14 полевой орудий, горючее 3 автоцистерна но противниклэсь 2 полкозь пехотазэ истребить каремын.

Вершини эшлэн частысьтыз летчик'ёс, Южной фронтын действовать карисьёс, 6 ноябрьсен 16 ноябрьзэ тушмонлэсь пехотаен но боеприпас'ёсын валче 853 автомашиназэ быдтйзы, 72 танк, 12 бронемашина, пёртэм калибро 26 орудий, 20 зенитной пулемет'ёс но истребить каризы 6000 ёрос тушмонлэсь солдат'ёссэ но офицер'ёссэ. Воздушной бойын 10 нунал кустын летчик'ёс 16 немецкой самолетэз куштйзы но 19 самолетэз быдтйзы противниклэн аэродромысьтыз.

Калининской направлениысь фронтлэн одйг участказ асьмелэн разведчик'ёсмы тушмонлэн фронт мышкысьтыз шараязы 20 шойзэс немецкой солдат'ёслэсь. Пленнойёслэн верамзыя тодмо луиз, что немецкой солдат'ёс наступление мынымтэысьтызы ыбылэмын вал. Пленэ кутэм фашист'ёс верало, что одйг толэзь кустын 253-ти но 102-ти пехотной дивизиосысь 250-лэсь трос солдат'ёс дезертировать каризы. Кемалась ик өвёл вань частьёслы германской командованилэсь приказзэ лыздэмын вал. Приказын верамы вал, что ас частезлэсь кылем котькуд солдат, котькыче причинаен мед луоз, дезертирен лыздэмын луоз но кутэм бере ыбемын луоз. 235-ти пехотной полкысь солдат Роберт Шрайбер вераз, что 8 ноябре солэн полкысьтыз 12 солдат дезертировать кариз. 91-ти пехотной полкысь ефрейтор Отто Курц подтвредить кариз, что солэн ротысьтыз ноябре 3 нунал кусты

пын дезертировать каризы 8 солдат но 2 унтер офицер'ёс. 3-ти пехотной полкысь пленэ шедем ефрейтор Иоган Гросс вераз, что германской армиялэн бадзым ышем'ёсыз Восточной фронтын, но азы ик кезыт луэм трос солдат'ёслэсь боевой духсэс чигтйзы.

Немецко-фашистской мерзавец'ёс Белоруссийсь город'ёсын, селоосын мирной калыке ялан издеваться карисько но эриктэмало. Костюковка селое вуэм немецкой солдат'ёслэн огрядзы крестьян'ёслэсь вань имуществозэс талаз. Дригулиа Ксения крестьянка немецкой офицерлэсь сюлвориз солэн 4 пинал'ёсызлэсь бельёзэс кельтыны. Сьосьлы пөрмем фашист со кышномуртэ туж жугиз но собере ыбиз. Дригулиналэсь 4-зэ ик пинал'ёссэ немецкой солдат'ёс пегребе куязы но сюен согизы. Нерки гуртын Жигалова, Серикова но Урутина крестьянкасты эриктэмазы но курадытыса виизы. Холмы гуртын фашистской изверг'ёс, сьоськадь, жунмытйзы 6-сэ 15 арес'ем ныл'ёсты. Ельск городын фашист'ёс 500 муртэ местной жительёсты баржае пуктйзы но Припяти шурлэн шораз нуизы. Заключениеёслы 5 нунал чоже сион өз сёт'ялэ. Собере немецкой солдат'ёс баржаез выйтйзы отысь адямиосыныз валче.

Продовольственной положение Германиын пумнала начарме. Город'ёсын сйль, вей, картошка почти шедьтыны углуы. Дрезденысь калык ноябрьлэн нырысь нунал'ёсаз 200 грамм гинэ нянь бичалляз пызьлэсь, отрублэсь но картошка кёмын сураса пыжемез. Продовольственной магазин'ёс доры жытазёмысен ик туж бадзымесь очередьёс кылдо. Магазинын вузкарьёс туж чем пумиськыло сютэм нылкышноосын огпёртэм кыл'ёсын: „Туннэ базаос сион-юон өз вутэ.“ Ноябрьре 10 нунал кустын Дрезденын сютэм мурт'ёслэн люкаськем'ёсы 10-о пала продуктовой но промтоварной магазин'ёсты пазызы.

Противовоздушной но противохимической оборонылы Шарканской районысь калыкез обязательно дышетон сярэсь

Шарканской районысь
трудящейёслэн депутат'
ёсылэн Районной
Советсылэн Исполнительной
Комитетэзлэн
9 ноябре 1941 арын кутэм
решениез

1. СССР-ысь СНК-лэн 2 июле 1941 арын пунктэмез'я но Удмуртской АССР-ысь СНК-лэн 11 июле та арын ик постановлениез'я противовоздушной но противохимической оборонылы калыкез дышетон порядок сярэсь, Шарканской районэ обязательной дышетонзэ пыртоно, вань калыкез 16 аресысен 60 аресозь ПВХО-лэн 28 час'ем программаз'я дышетото.

2. Противовоздушной но противохимической оборонылы дышетонзэ служащийёс но рабочийёс понна ужан местазы организовать кароно, дышеткисьёс понна—дышетскон местазы, колхозник'ёс понна—колхозын но вань кылемзэ граждан'ёсты улон интызы дышетото.

3. Обязательной дышетсконлэсь палзникысь мурт'ёс административной порядок'я привлекаться карисько 100 манет штрафлы яке 30 нуналозь принудительной ужлы.

4. Предприятиослэн но учреждениослэн кивалтйсьёсы, куд'ёсыз аслэсьтыз вань ужасьёссэс дышетснэ кыскыны өз быгатэ, административной но судебной ответственность улэ кыстйсько.

Та решениез быдэс'ямзэс эскерыны возложить кароно Осоавиахимлэн райсоветэз вылэ, сельской совет'ёслэн исполком'ёссы но милициослэн орган'ёссы вылэ.

Та решение действие пыре газетэ поттэм бере но 1942 арын 1 январёз кужымез кыле быдэс Шарканской районлэн территорияз.

Райсоветлэн Исполкомезлэн председателезлэсь обязанностьсэ быдэс'ясь БАЙ-КУЗИН.

Райсоветлэн Исполкомезлэн секретарез ВАХРУШЕВ,

Вань кужым'есты — фронтлы юрттонэ

Куатетй но сизыметй ноябре быдэс странами туж бадзым вниманиен нош ик кылзйз аслаз вождезлэсь—великой Сталинлэсь верамзэ. Мудрой сталинской кыл'эс котькудмылэсь уката но зол юнматйзы асьмелэсь осконмес виресь фашизмез вормыны но туж кужмо мылкыдмес жутйзы ваньзэ одйгтэм быдтыны германской оккупант'эсты.

Московской советлэн торжественной заседанияз Сталин эшлэн докладэзлы но Москваын Красной площаддын Красной Армилен 7 ноябре ортчем парадаз верамезлы сйзыыса, асьме районыстымы предприятиосын, учреждениосын, колхоз'эсын но школаосын трос калык'ем собраниос ортчыло. Собраниосы люкаськем калык огкылысь возматэ аслэстыз дась луэмзэ вань кужымзэ сётыса будэтыны ужлэсь азинлыксэ. Кужмо ужаны, качественно ужаны, Красной Армилы вань кулэ луисьсэ сётыны вождлэн өтемызлы рабочийэс, колхозник'эс, служащийэс ответсёто производственной активностьсэс уката но жутыса, государстволы нянь сётон планзэс быдэстэмен, трос продукция сётэмен, странамылэн оборонаезлэн фундаз выль взнос'эс сётэмен.

Сталин эшлэсь докладзэ кылзыса, Шарканысь инвалид'эслэн ортелязы ужасьэслэн коллективзы, фронтлы кызы ке но тросгес но умойгес юрттыны тыршыса, продукция поттонэз будэтон но выльи качество сётон вылысь ас вылаз обязательство басьтйз.

а) 1941 арлы пус'ем производственной планзэс та арын 1 декабрэз 100 процентлы быдэстоно.

б) Продукциез урод качество но кызы но поттоно өвёл.

в) Машинаос но станок'эс бордын ужан дырез уплотнить кароно.


г) Котькуд ужан цехын трудовой дисциплинаез юн соблюдать кароно.

д) Выпускать карем продукциялэсь себестоимостьсэ ичиомытыны тыршоно планэн сётэм сярысь.

е) Одйг нунал ужем дунзэс отчислить кароно Удмуртиысь комсомоллэн нимыныз нимам звено самолет'эс-штурмовик'эс лэстыны.

Асьме родина азе кылдэм бадзым кышкытлык уката но кужмояз. Сьбсь но вир юись тушмонэз вормон понна, „ми котькыче шугсекыт'эсты вормыны дасеь шуо ужасьэс,—самоотверженно ужалом котькуд ужмылэн участвоказ, озы фашизмез вормон!“

Надсонова



ДЕЙСТВУЮЩОЙ АРМИЯ.

М. И. Эрберг сержант—вооружения мастер—самолетлэн боевой системаеныз умой ужа.

ТАСС-лэн фотокрониваез.

Ваньзэ—тушмонэз вормон понна

Хлебопоставкаез быдэсто

„Челюскино“ колхозысь колхозник'эс но колхозницаос, быдэс уж югдурзэс военной ладе пуктыса, вань пёртэм ужзэс дыраз быдэстыны тыршыса ужало. Алй дырын самой кулэен ляд'ясыкись задачаез—хлебопоставкаез таос быдэстыны ин. Государство азын мукет тырон'эсы но быдэсмемын ин.

Пушин.

* * *

„Новый труд“ колхозысь колхозник'эс но колхозницаос асьсэлэн самоотверженной ужаменызы фронт мышез нуналысь нуналэ юнмат. Колхозлэн председателез Ельцова эш умой организовать каре аслэстыз ужасьсэ. Та нуналлы солэн хлебопоставкаез быдэстэмын, нош мукет тырон'эсыз государстволы кемалась тыремын.

Мишихин.

Красной боец'эсты шунит дисялом

Мувырской сельсоветысь колхоз'эс но колхозник'эс Красной Армиысь но Красной Флотысь боец'эслы шунит дйськут сётызы. Соос ыжгон 138 кг., ыжку 138 штука, 17 куз гынсапег, 62 куз дэра бинялтон, 52 куз урдэг бинялтон, 77 куз носки, 92 куз пöзь но чушкон'эс сётызы.

Пушин.

Фронтлы юрттом

Удмуртиысь комсомоллэн нимыныз нимаса, звеноос Самолет'эс-штурмовик'эс лэстыны районной колхозной школын дышеткисьсэ Сарапульской районысь комсомолец'эслэсь Удмуртиысь вань комсомолец'эслы вазиськемзэс пöсь мылкыдын пумитазы. Р.

Микрюкова 7 манет сётйз, Р. Бронникова—7 манет З. Реюхова—5 манет, А. Перевозчиков—5 манет, В. Анисимов—5 манет, Е. Николаева—4 манет, ваньзэ 270 манет октэмын. Сбор мынэ на.

Верещагин

* * *

Кыква НСШ-ын дышеткись пинал'эс вочназы жутскем мылкыдын „Пионер Удмуртии“ танк лэстыны уксё октыны кариськызы. Тужгес умой организовать каремын уксё октов 7 „В“ классын но 2-тй классын. Пинал'эслы пример возматэ уксё октыны дышеткисьсэ. Г. С. Казаков 50 манет сётйз, М. В. Короткова 50 манет сётйз, Нош быдэс школаысь 370 манет октэмын ин. Сбор мынэ на.

Л. Стелбов.

* * *

Потребкооперацилен системаз ужасьсэ, Сталин эшлэсь докладзэ изучать карыса, фронтлы юрттыны өтемыз пумитэ ас вылазы обязательство басьтйзы.

1. Котькуд продавец товарооборотлэсь планзэ мултэсэн быдэстоз.

2. Столовойн умой но пёртэм сион'эсын сюдоно, клиент'эсты умой обслуживать кароно.

3. Нянь пыжонын умой но ческыт нянь пыжоно.

4. Удмуртиысь комсомоллэн нимыныз нимаса, звено самолет'эс-штурмовик'эс лэстыны уксё октоно, одйг нунал ужамдунлэсь ичи медаз луы.

Та берло пунктэз соку ик быдэстон вылысь вань ужасьсэ уксё вносить карыны кутскизы, озы 290 манет собрание мынон дыр'я ик октыськыз.

Бутолин

Дышетисьсэслэн ужзы

Туэ дышетскон ар выль условиосын ортче. Школаослэн ужзы быдэсак подчинить каремын обороналэн интерес'эсызы. Учебно-воспитательной уж военной ладе пунктэмын. Озы бере школаос азын бадзымез ответственной но серьезной задачаос.

Гужем дышетисьсэ трудовой фронтын бадзым мылкыдзэс поныса ужазы. Тросэз дышетисьсэ агитационной ужзэс практической ужен чош нуизы. Трос трудовень поттылйзы Г. А. Иванов, Бызиновской начальной школысь дышетись, А. Ф. Стрелкова, Киварской НСШ-ын дышетись, В. Н. Хомякова, Ворчинской школы дышетись, Ф. М. Смирнов, Быговской НСШ-ын дышетись. Таослэн огзылэн но 120 трудоденьлэсь ичи ужамзы өвёл.

Кудйз дышетисьсэ, кызы ке йоныз вань, озы умой дышетыны тыршо. Урок'эсазы пыр-пыр дасясыкыса пото, котькуд уроксы конкретно, наглядно возматэмын луэ. Тазы урок'эссэс пукто Шарканской средней школын дышетисьсэ Е. И. Вахрушева, А. М. Федорова, Казеской НСШ-ын дышетись Е. С. Чазова. Солэн классэз туж умой оформить каремын. Отын солэн пёртэмез уголок'эсыз вань: „Учебы“, „Сталина“, „Ленина“, „Счастливое детство“, „Красной Армии“. Лозунг'эс но портрет'эс ошылэмын. Расписаниез урок'эслы но режим дня солэн картинкаосын оформить каремын.

Куд'эсыз дышетисьсэ ас ужзэс кулэез'я уг пукто. Уроке умой уг дасясыко, куддыр'я планзы но уг луы В. П. Наговициналэн (Казеской НСШ-ысь), П. П. Никитиналэн (Кусогуртской начальной школысь) но мукет'эсыз.

Котькулэсь юн вылэ жутоно военно-физкультурной ужез. Али вань школаосын мед ужалоны ПВХО, ГСО но мукет кружок'эс. ЮПВХО-лэсь но БГСО-лэсь норма принимать кароно 8 арес'ем пинал'эс вылысен кутсыса.

Казеской школын военной кружок'эс ужало ини. 51 дышеткись пинал'эс ПВХО значоклы норма сдавать карызы ини.

Умой организовать кароно Красной Армиысь боец'эслы юрттонэз. Уката но кужмотоно шунит дйськут октонэз, носки, чулки, пöзь керттыса котькуд боецлы тырмон сёттоно. „Пионер Удмуртии“ танк лэстыны уксё октоно. Удмуртиысь комсомоллэн нимыныз нимаса, самолет'эслэсь штурмовик'эслэсь звенозэс лэстыны коньдон октонэз вёлдоно.

В. П. Кондратьев

Редактор Н. ВАХРУШЕВ.